



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 20. Origenistarum in Palæstina motus.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

siarius commoratus fuisset. Is sibi Justiniani Imperatoris favorem conciliaverat, & magnas Romam divitias retulit. Pelagio absente Theodorus Cæsariensis negotio gerendo tempus delegisse creditur, ut damnatum Origenem trium Capitulum condemnatione ulcisceretur. Sed antequam id explicemus, quæ interea in Oriente hac super re gesta sunt, referri oportet.

## §. XX.

*Origenistarum in Palæstina motus.*

Postquam Justiniani Edictum contra Origenem Jerosolymam allatum est, omnes Episcopi Palæstinæ, & omnes Desertii Abbates subscripserunt; quod Nonnum aliosque suæ factionis adeo irritavit, ut a Communione Catholicorum recederent, ex Nova Laura S. Sabæ exirent, & in campo morarentur. Theodorus ex Cappadocia, qui Constantinopoli versabatur, hoc comperto, vocatis ad se Apocrisiariis Jerosolymitanis, ira exardens dixit: *Nisi Patriarcha Petrus his Patribus satisfaciat, & in eorum Lauram reducat, ipsum ego Sede sua pellam.* Interim Nonnus ejusque sequaces eodem Theodoro instigante Patriarchæ scripserunt in hunc modum: *Sanctitatem tuam supplices rogamus, ut amore nostri, & in solatium animarum nostrarum verbis gestis.*

Hist. Eccles. Tom. VII.

S s

neva-

Sæculum VI.

A. C. 545.

Procop. III.

Goth. c. 16.

Sup. n. 17.

Sup. n. 4.

vit. S. Sabæ.

n. 86. p. 366.

p. 367.

Sæculum VI. *neralibus edicas; omne Anathema, quod*  
A.C. 545. *Deo displicet, nullius esse roboris, in No-*  
*mine Patris & Filii & Spiritus S.*

Patriarcha non quidem statim adduci potuit, ut ejusmodi Declarationem daret, quod illegitimam & seditiosam existimaret. Verum Theodori Versutiam reformidans, ut consilio capiendo tempus lucraretur, Nonno & sociis ejus accersitis, clam ceteris omnibus, illud, quod volebant, declaravit. Ipsi ad Novam Lauram redeuntes acerbum in Patres majoris Lauræ S. Sabæ animum neutiquam deposuerunt.

Mox crescente audacia Errores suos, nempe Origenis Hæresin, publice & in diversis ædibus prædicarunt. Varios Patres Majoris Lauræ persequendi prætextus quærebant. Si quem Monachum Orthodoxum Jerosolymæ viderent, Sabaitam appellabant, per subornatos viros sæculares verberari, & urbe ejici jubebant. In Jordanis ripa Monachi quidam Bessi ex Thracia ortum ducentes habitabant. Hi pio zelo accensi Jerosolymam accurrunt ad Catholicorum auxilium. Tunc vero Seditiosi in pugnas & vim apertam eruperunt. Cum Catholici in Magnæ Lauræ Hospitium securitatis causa se recepissent, eorum hostes furore incitati adsunt, omnes trucidaturi. Quia vero clausis januis ab ingres-

p.368.

su arcebantur, fenestras perfringunt, & Sæculum VI.  
A. C. 545.  
injecto saxorum grandine illos, qui intus  
erant, insectantur. Tandem Bessorum

unus, cui nomen Theodulus, arrepta pala, quam fors obtulit, eruptionem in aggressores facit, & solus omnes, quamvis numero ferme trecenti essent, in fugam vertit; cavebat tamen, ne quemquam eorum vulneraret. Verum fortissimus pugil saxo ictus post paucos dies animam reddidit.

Ut tantis malis remedium quærerent, Majoris Lauræ Patres Gelasium Abbatem suum rogarunt; Constantinopolim iret, & Imperatorem, quæ agerentur, edoceret. Is itineri accinctus, omnibus in Ecclesiam convocatis, ait: *Patres mei! quæ mihi in hoc itinere obventura sint, nescio, sed rogo vos, ut neminem illorum vobiscum versari patiamini, qui Theodorum Mopsuestenum sequuntur, nam Hæreticus est. Memoria bene teneo, ipsum æque ac Origenem S. Patri nostræ Sabæ horrore fuisse. Penitet me admodum, quod Libello Patriarchæ jussu in Deserto conscripto, & cavente, ne Theodorus anathematizaretur, subscripserim. Attamen Deus, cui Ecclesia sua curæ est, prohibuit, ne Libellus reciperetur, voluitque, ut Theodorus damnaretur.*

Ubi Gelasius Abbas Constantinopolim pervenit, illico ipsius adventum Theodorus

n. 87.

Origenistæ.

p. 369.

Sæculum VI. dorus Cæsariensis comperit, statimque ubi-  
 A. C. 545. bique mandata delata sunt, ne quis Mo-  
 nachus, qui ab Jerosolyma veniret, vel  
 in Hospitio Orphanorum, vel in ædibus  
 Patriarchæ, vel in Regia, susciperetur.  
 Gelasius cum ubique videret sibi aditum  
 obstrui, timens Theodori Potentiam,  
 Constantinopoli excessit, via terrestri in  
 Palæstinam rediturus. Ecce vero, dum  
 Amorium, Civitatem Phrygiæ attigit,  
 ibidem Mense Octobri Indictione nona  
 id est anno 545. diem clausit. Id post-  
 quam ad notitiam Patrum majoris Lau-  
 ræ delatum, Jerosolymam iverunt, ut a  
 Petro Patriarcha peterent, Abbatem sibi  
 ordinari. Verum Petrus, cum Profe-  
 ctionem Constantinopolim suscepisset, a  
 Theodoro Cappadociæ coactus est Pe-  
 trum Alexandrinum, & Joannem cogno-  
 mento rotundum, Cellularios accipere.  
 Hi Patres Magnæ Lauræ e Domo Epis-  
 copali Jerosolymitana probrose ejectos  
 re infecta reverti compulerunt. Tunc  
 vero Monachi omnes ad Origenistas de-  
 fecerunt. Aliquos necessitas, hos adu-  
 latio, alios timor, alios ignorantia abstra-  
 xit. Sola Hæreticis obsistebat Magna  
 Laura, sed ut hanc quoque in suas par-  
 tes pertraherent nullum non lapidem  
 movebant. Tandem illius loci Abba-  
 tem elegerunt quemdam Georgium no-  
 mine, Origenistam, eumque in possessio-  
 nem

p. 370.

n. 88.

nem Sedis S. Sabæ armata manu immiserunt. Sed multi Patres in diversa sparsi. Sæculum VI.  
A. C. 545.  
S. Joannes Silentarius Cellula sua, qua inclusus erat, egressus in montem Olivarum se contulit, quem plures alii secuti. Eadem die, qua ipsi expellebantur, Nonnus subita morte e vivis raptus est.

## §. XXI.

*Justinianus tria Capitula damnat.*

In his rerum articulis Theodorus Cappadox, cum maximam potentiam in Aula Cæsarea, præsertim post abitum Pelagii Legati, adeptus esset, damnatum Origenem vindicare, simulque Concilii Calcedonensis Auctoritatem imminuere aggressus est. Itaque eo animum adiecit, ut non quiesceret, donec damnaretur Theodorus Mopsuestenus, qui multa adversus Origenem scripserat, & aliunde a Concilio approbatus videbatur. Eo Consilio Theodorus Cappadox utriusque Officio, nam Origenista erat & Acephalus, faciebat satis, & sequebatur novissimum exemplum mortuos damnandi, postquam nuper Origenes damnatus fuisset. Hinc videns Imperatorem Justinianum contra Acephalos scribere, (\*) ut

*Lib. brev.  
c. 24.*

S s 3 Con-

(\*) Imperatoris fuisset contra hostes Reipublicæ, & Ecclesiæ gladium stringere non calamum